

全上古三代秦漢三國六朝文

全後周文目錄

文帝

孝閔帝

明帝

已上卷一

武帝

宣帝

已上卷二卷三

宇文護

宇文憲

宇文達

宇文邁

宇文緝

已上卷四

于謹

楊忠

王晞

王悅

李遠

樂遜

黎季明

已上卷五

韋叟

韋孝寬

韓褒

柳慶

長孫紹遠

盧辨

申徽

薛端

唐蓮

李昶

小名

李充信

已上卷六

王褒

已上卷七

庾信

已上卷八至卷十八

蕭摛

劉璠

柳霞

尉遲迥

王貧生

穆提婆

馬顯

阿史那瓌

王明廣

已上卷十九

甄鸞

已上卷二十

列女

王妙暉

優婆夷

闕名

詔

奏

移

檄

銘

碑

墓誌

已上卷二十一

釋氏

釋慧命

釋慧曉

釋曇積

釋亡名

釋慧善

釋僧勳

釋宗猷

釋法上

已上卷二十三

已上卷二十二

釋道安

衛元嵩

已上卷二十四

任道林

釋靜藹

大凡全後周文六十一人
大凡全後周文二十四卷

全後周文卷一

烏程嚴可均校輯

文帝

帝姓宇文氏諱泰字黑獺代郡武川人初從葛榮榮敗從爾朱榮爲統軍孝莊反正封寧都子遷鎮遠將軍步兵校尉從賀拔岳入關遷征西將軍加直閣將軍行原州事太昌中爲大行臺左丞領司馬加散騎常侍進武衛將軍夏州刺史永熙中進侍中驃騎大將軍開府儀同三司關西大都督封略陽縣公兼尚書僕射關西大行臺孝武西遷加授大將軍雍州刺史兼尚書令進封略陽郡公拜駙馬都尉文帝卽位進督中外諸軍事改封安定郡公錄尚書事進柱國大將軍授太師廢帝卽位呂冢宰總百揆恭帝三年爲太師大冢宰薨諡曰文公孝閔受禪追尊爲文王廟號太祖武成元年追尊爲文皇帝

案申徵傳云文帝臨夏州呂微

爲記室參軍兼主簿每事信委之乃爲人行臺郎中時軍國草創幕府務殷四方書檄皆徵之辭也然則上魏孝武因表責侯莫陳悅書傳檄方鎮皆宜編入申徵文其大統初書翰乃蘇綽盧柔李昶書理作未可分別今編爲文帝文

案北史李彪傳云詔冊文筆皆昶所作

賜李遠書

昔李將軍廣親有此事公今復爾可謂世載其德雖熊渠之名不

能獨擅其美

則書李遠傳

答李遠

公勳德兼美朝廷欽屬選眾而舉何足爲辭且孤之于公義等骨

肉豈容于官位之間便致退讓深乖所望也

周書李遠傳

與長孫儉書

近行路傳公目部內縣令有罪遂自杖三十用肅羣下吾昔聞王

臣饗寒匪躬之故蓋謂憂公忘私知無不爲而已未有如公刻身

罰己自訓羣僚者也問之嘉歎

周書長孫儉傳又北史末云聞之嘉歎良久不可言頃信撰拆拔儉

碑云大丞相書云此之矣事耳目
之所未經歎尚無極故遣專使
又書

本圖江陵由公畫計今果如所言智者見未萌何其妙也但吳民
離散事藉招懷南服重鎮非公不可

周書長
孫儉傳

賜鄭孝穆書

知卿莅職近畿留心治術凋敝之俗禮教興行厭亂之民彌負而
至昔郭伋政成并部賈琮譽重冀方自古方今彼有慚德

周書鄭
孝穆傳

與王思政書

崔宣猷智略明贖有應變之才若有所疑宜與量其可不

周書崔
猷傳

與唐永書

聞公有二子曰陵曰瑾陵從橫多武略瑾雍容富文雅可竝遣入
朝孤欲委以文武之任

周書唐瑾傳
北史唐瑾傳

潼關誓

與爾有眾奉天威誅暴亂惟爾眾士整爾甲兵戒爾戎事無貪財

曰輕敵無暴民曰作威用命則有賞不用命則有戮爾眾士其勉

之周書文帝紀下大統三年率李弼等十二將東伐至潼關乃誓于師

曰僧實爲昭玄三藏詔大統中案此假西魏帝詔

師曰麗重瞳偏同虞舜背隆偃僕分侶周公德宇純懿軌量難模

可昭玄三藏續高僧傳

詔公卿等議蘇綽贈諡

蘇尚書平生謙退敦尚儉約吾欲全其素志便恐悠悠之徒有所

未達如其厚加贈諡又乖宿昔相知之道進退惟谷孤有疑焉隋書

蘇綽傳大統十二年卒太祖痛惜之哀動左右及將葬

乃詔公卿等案此非詔書止是告語耳今姑錄入

大統十一年春三月令

古之帝王所曰外建諸侯內立百官者非欲富貴其身而尊榮之

蓋曰天下至廣非一人所能獨治是曰博訪賢才助已爲治若其

知賢也則曰禮命之其人聞命之日則慘然曰凡受人之事任人之勞何捨已而從人又自勉曰天生僑士所曰利時彼人主者欲與我爲治安可苟辭于是降心而受命及居官也則晝不甘食夜不甘寢思所曰上匡人主下安百姓不遑恤其私而憂其家故妻子或有飢寒之弊而不顧也于是人主賜之曰俸祿尊之曰軒冕而不曰爲惠也賢臣受之亦不曰爲德也位不虛加祿不妄賜爲人君者誠能曰此道授官爲人臣者誠能曰此情受位則天下之大可不言而治矣昔堯舜之爲君稷契之爲臣用此道也及後世衰微此道遂廢乃曰官職爲私恩爵祿爲榮惠人君之命官也親則授之愛則任之人臣之受位也可曰尊身而潤屋者則迂道而求之損身而利物者則巧言而辭之于是至公之道沒而姦詐之萌生天下不治正爲此矣今聖主中興思去澆僞諸在朝之士當念職事之艱難負闕之招累夙夜兢兢如臨深履薄才堪者則審

已而當之不堪者則收短而避之使天官不妄加王爵不虛受則
滄素之風庶幾可反

周書文帝紀下

孝閔帝

帝諱覺字隋羅尼文帝第三子魏恭帝三年三月爲安定公世
子四月拜大將軍十月嗣位太師大冢宰十二月封周公受魏
禪明年九月爲宇文護所廢尋遇弒建德元年追諡曰孝閔皇
帝

祠圓丘詔

元年正月壬寅

予本自神農其于二丘宜作厥主始祖獻侯啟土遼海肇有國基
配南北郊文考德符五運受天明命祖于明堂曰配上帝廟爲大

祖

周書孝閔帝紀

分使巡撫詔

正月戊申

上天有命革魏于周致予一人受茲大號予惟古先聖王罔弗先

于省視風俗，已求民瘼，然後克治。矧子眇眇，又當草昧，若弗尚于達四聰，明四目之訓者，其有聞知哉？有司宜分命方別之使，所在巡撫，五教何者不宣？時政有何不使得無修身潔己，才堪佐世之人，而不爲上所矧，冤枉受罰，幽辱于下之徒，而不爲上所理，孝義貞節，不爲有司所申，鰥寡孤窮，不爲有司所恤，暨黎庶衣食豐約，賦役繁省，災厲所興，水旱之處，並宜具聞。若有年八十已上，所在就加禮餼。

周書孝
閔帝紀

封功臣詔

正月乙卯

惟天地草昧，建邦已空，今可大啟諸國，爲周藩屏。

周書孝
閔帝紀

誅趙貴詔 二月丁亥

朕文考昔與羣公，洎列將眾官，同心戮力，共治天下，自始及終，二十載，迭相匡弼，上下無怨，是已羣公等用，升余于大位，朕雖不德，豈不識此？是已朕于羣公，同姓者如弟兄，異姓者如甥舅，冀此

一心平定宇內各令子孫享祀百世而朕不明不能輯睦致使楚公貴不悅于朕與万俟幾通叱奴興王龍仁長孫僧衍等陰相假署圖危社稷事不克行爲開府宇文威等所告及其推究咸伏厥辜興言及此心焉如瘵但法者天下之法朕旣爲天下守法安敢已私情廢之書曰善善及後世惡惡止其身其貴通與龍仁罪止一家倘祈止一房餘皆不問惟爾文武咸知時事

周書孝
閔帝紀

振浙州詔三月壬子

浙州去歲不登厥民饑饉朕用愍焉其當州租輸未畢者悉宜免之兼遣使巡檢有窮餒者並加振給

周書孝
閔帝紀

降罪詔八月辛未

朕甫臨大位政教未孚使我民農多陷刑網今秋律已應將行大戮言念羣生責在于朕宜從肆責與其更新其犯者宜降從流流已下各降一等不在赦限者不從此降

周書孝
閔帝紀

舉賢良詔 八月甲午

帝王之治天下，因弗博求眾才，曰又厥民，今二十四軍宜舉賢良，堪治民者，軍列九人，被舉之人，于後不稱厥任者，所舉官司皆治

其罪

周書孝
開帝紀

授階詔 九月庚申

朕聞君臨天下者，非由一人時，乃上下同心所致，今文武之官及

諸軍人，不霑爵封者，宜各授兩大階

周書孝
開帝紀

明帝

帝諱毓，小名統萬，突文帝長子。大統中，封寧都郡公，行華州事。拜宜州刺史。恭帝末，授大將軍，鎮隴右。孝閔受禪，進柱國，轉岐州刺史。自元年九月奉迎，即天王位。其三年八月，稱皇帝，改元武成。明年四月，為宇文護所毒，崩。諡曰明皇帝，廟號世宗。有集

十卷

隋志作
九卷

放還遠配詔

元年十一月丁巳

帝王之道，目寬仁爲大。魏政諸有輕犯，未至重罪。及諸邨民一家有犯，乃及數家而被遠配者，並宜放還。

周書明帝紀

放免元氏家口詔

十二月甲午

善人之後，猶累世獲宥。況魏氏目德讓代終，豈容不加隱卹。元氏子女，自坐趙貴等事，目來所有沒入爲官口者，悉宜放免。

周書明帝紀

放免抄掠詔

二年二月癸未

王者之宰民也，莫不同四海。一遠近爲父母而子之，一物失所若納于隍，賊之境土本同。大化往因時難，致阻東西。遂使疆場之間，互相抄掠，興言及此，良可哀傷。自元年目來，有被掠入賊者，悉可

放免。

周書明帝紀

改稱京兆詔

三月庚申

三十六國九十九姓，自魏氏南徙，皆稱河南之民。今周室旣都關

中宜改稱京兆人

周書明帝紀

三足鳥見大赦詔

二年八月甲子

夫天不愛寶地稱表瑞莫不威鳳巢閣圖龍躍沼豈直日月珠連風雨玉燭是曰鉤命決曰王者至孝則出元命苞曰人君至治所有虞帝烝烝來茲異趾周文翼翼翔此靈禽文考至德下覃遺仁爰被遠符千載降斯三足將使三方歸本九州翕定惟此大禮景福在民子安敢攘宗廟之善弗宣大惠可大赦天下文武官皆進

二級

御覽九百二十引後周書

案今周書明帝紀大禮作大體

放攘作敢讓

武帝紀大禮作大體放攘作敢讓

造周麻詔 武成元年五月戊子

皇王之迹不一因革之道已殊莫不播八政以成物兆三元而爲紀是曰容成創定于軒轅羲和欽若于唐世鴻範九疇大弘五法易曰澤中有火革君子曰治麻明時故麻之爲義大矣但忽微成象象極則差分積命時時積斯外開闢至于獲麟二百七十六萬

歲暑度推移餘分盈縮南正無聞疇人靡記暑往寒來理乖攸序
敬授民時何其積謬昔漢世巴郡洛下闕善治麻云後八百歲當
有聖人定之自火行至今木德應其運矣朕何讓焉可命有司仿
稽六律仰觀七曜博推古今造我周麻量定呂聞

周書明
帝紀

推究赦前事詔

五月乙卯

比屢有糺發官司赦前事此雖意在疾惡但先王制肆眚之道今
天下自新若又推問自新何由哉如此之徒有司勿爲推究惟庫
藏倉廩與海內所共漢帝有云朕爲天下守財耳若有侵盜公家
財畜錢粟者魏朝之事年月既遠一不須問自周有天下曰來雖
經赦宥而事跡可知者有司宜卽推窮得實之日但免其罪徵備

如法

周書明
帝紀

霖雨求言詔

六月戊子

昔唐咨四岳殷告六眚觀災興懼咸寔時雍朕撫運應圖作民父

母弗敢怠荒。曰求民瘼而霖雨作沴。害麥傷苗。隕屋漂垣。洎于昏墊。諒朕不德。蒼生何咎。刑政所失。罔識厥由。公卿大夫士爰及牧守黎庶等。今宜各上封事。讜言極諫。罔有所諱。朕將覽察。曰蒼天譴。其遭水者。有司可時巡檢。條列曰聞。周書明帝紀

量賜夏州義從詔

六月庚子

潁川從我。是曰元勳。無忘父城。實起王業。文考屬天地。草昧造化。權輿拯彼橫流。匡茲頽運。賴英賢盡力。文武同心。翼贊大功。克隆帝業。而被堅執銳。櫛風沐雨。永言疇昔。良用懋然。至若功成名遂。建國剖符。予惟休也。其有致死王事。妻子無歸者。朕甚傷之。凡是先王向夏州發。夏州從來見在。及薨亡者。並量賜錢帛。稱朕意焉。

周書明

帝紀

贈秦榮先詔

孝爲政本。德乃化先。既表天經。又明地義。榮先居喪致疾。至感過

人窮號不反迄乎滅性行標當世理鏡幽明此而不顯道將何述

可贈滄州刺史呂旌厥異

周書孝義秦族傳

荅長孫紹遠論樂詔

朕曰菲薄何德可已當之此蓋天地祖宗之佑亦由公達鑒所致

也

北史二十二長孫道生附傳

修起寺詔

制詔孝感通神瞻天罔極莫不布金而構祇園流銀而成寶殿方知鹿苑可期鶴林無遠敢緣雅頌仰藉莊嚴欲使功侔天地興歌不日可令太師晉國公總監大陟岵大陟屺二寺營造

初學記二卷十三廣弘

明集二卷十八上

大漸詔

二年四月庚子

人生天地之間稟立常之氣天地有窮已五常有推移人安得長在是曰生而有死者物理之必然處必然之理脩短之間何足多

恨朕雖不德性好典墳披覽聖賢餘論未嘗不曰此自曉今乃命也夫復何言諸公及在朝卿大夫士軍中大小督將軍人等竝立勳效積有年載輔翼太祖成我周家令朕繼承大業處萬乘之上此乃上不負太祖下不負朕躬朕得啟手啟足從先帝于地下實無恨于心矣所可恨者朕享大位可謂四年矣不能使政化循理黎庶豐足九州未一三方猶梗顧此懷恨目用不瞑唯冀仁兄冢宰洎朕先正先父公卿大臣等協和爲心勉力相勸忽忘太祖遺志提挈後人朕雖沒九泉形體不朽今大位虛曠社稷無主朕兒幼穉未堪當國魯國公邕朕之介弟覓仁大度海內共聞能弘我周家必此子也夫人貴有始終公等事太祖輔朕躬可謂有始矣若克念世道艱難輔邕曰主天下者可謂有終矣哀死事生人臣大節公等思念此言令萬代稱歎朕稟生儉素非能力行菲薄每寢大布之被服大帛之衣凡是器用皆無雕刻身終之日豈容違

棄此好喪事所須務從儉約。敕曰：時服勿使有金玉之飾。若曰禮不可闕，皆令用瓦。小斂訖，七日哭。文武百官各權辟衰麻，且曰：素服從事，葬日選擇不毛之地，因地勢爲墳，勿封勿樹，且厚葬傷生。聖人所誠，朕旣服膺，聖人之教，安敢違之。凡百官司，勿異朕此意。四方州鎮使到，各令三日哭，哭訖，悉權辟凶服，還曰：素服從事，待大例除，非有呼召，各案部自守，不得輒奔赴闕庭。禮有通塞，隨時之義，葬訖內外悉除，服從吉。三年之內，勿禁婚娶，飲食一令如平常也。時事殷猥，病困心亂，止能及此。如其事有不盡，準此曰：類爲斷死而近思，古人有之，朕今忍死書此懷抱。周書明帝紀：帝因食遇毒，庚子大漸，詔云。

云其詔卽帝口授也。

敕陸騰 武成元年

益州險遠，非親勿居，故令齊公作鎮，卿之武略已著，遐邇兵馬鎮

防，皆當委卿統攝。周書陸騰傳。

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後周文卷一終

全後周文卷二

烏程嚴可均校輯

武帝

帝諱暹字嗣羅突文帝第四子恭帝元年封輔城郡公孝閔受禪拜大將軍鎮同州明帝卽位遷柱國涇州刺史入爲大司空治御正進封魯國公領宗師武成二年四月卽位改元四保定天和建德宣政在位十八年諡曰武皇帝廟號高祖

改元保定詔 保定元年正月戊申

寒暑亟周奄及徂歲改元命始國之典章朕祗承寶圖宜遵故實可改武成三年爲保定元年嘉號旣新惠澤宜布文武百官各增

四級周書武帝紀上

頒六官詔 正月戊辰

履端開物實資元后代終成務諒惟宰棟按周文公曰上聖之智

冀彼姬周爰作六典用光七百自茲厥後代失其緒俾巍巍之化
歷千祀而莫傳郁郁之風終百王而永墜我太祖文皇帝稟純和
之氣挺天縱之英德配乾元功侔造化故能捨末世之弊風蹈隆
周之徽典誕述百官厥用允集所謂乾坤改而重構豈帝王洪範
而已哉朕入嗣大寶思揚休烈今可班斯禮于太祖廟庭周書武
帝紀上

板授官詔

正月甲戌

先經兵戎官年六十已上及民七十已上節級板授官周書武
帝紀上

亢旱原降罪囚詔七月戊申

亢旱歷時嘉苗殄瘁豈獄犴失理刑罰乖衷歟其所在見囚死日
下二歲刑已上各降本罪一等百鞭已下悉原免之周書武
帝紀上

文武租賦詔二年四月癸亥

比呂寇難猶梗九州未一文武之官立功效者雖錫日茅土而未
及租賦諸柱國等勳德隆重宜有優崇各準別制邑戶聽寄食他

魏書武帝紀上

減削御供詔 十月戊戌

樹之元首君臨海內本乎宣明教化亭毒黔黎豈惟尊貴其身侈富其位是曰唐堯疏葛之衣蠶織之食尚臨汾陽而永歎登姑射而興想況無聖人之德而嗜欲過之何曰克厭眾心處于尊位朕甚慙焉今巨寇未平軍戎費廣百姓空虛與誰爲足凡是供朕衣服飲食四時所須爰及宮內調度朕今手自減削縱不得頓行古人之道豈曰全無庶幾凡爾百司安得不思省約助朕不逮者哉

周書武帝紀上

報于謹詔 二年

昔師尚父年踰九十召公奭幾將百歲皆勤王家自彊不息今元惡未除九州不一將曰公爲舟楫弘濟于艱難豈容忘二公之雅操而有斯請朕用愆焉公若更執謙沖有司宜斷啟

周書于謹傳

封蕭大封蕭大圓等詔二年

梁汝南王蕭大封晉熙王蕭大圓等梁國子孫宜存優禮式遺茅土實允舊章大封可封晉陵縣公大圓封始寧縣公邑各一千戶

周書蕭

大圓傳

政事依月令詔二年二月辛酉

二儀創闢玄象著明三才已備厥數昭列故書稱欽若敬授易序治麻明時此先代一定之典百王不易之務伏惟太祖文皇帝敬順昊天憂勞庶政厥序六家日陰陽爲首洎子小子弗克遵行惟斯不安夕惕若厲自頃朝廷權輿事多倉卒乖和爽序違失先志致風雨愆時疾厲屢起嘉生不遂萬物不昌朕甚傷之自今舉大事行大政非軍機急速皆宜依月令曰順天心

周書武帝紀上

曰于謹爲三老詔二年四月

樹曰元首主乎教化率民孝弟置之仁壽是曰古先明后威若斯

朕立三老五更躬自袒裼朕曰眇身處茲南面何敢遺此黃髮不加尊敬大傅燕國公謹執德瀆固爲國元老饋曰乞言朝野所屬可爲三老有司具禮擇日已聞

周書于
蓮傳

幸李賢第詔三年九月

朕昔沖幼爰寓此州使持節驃騎大將軍開府儀同三司大都督瓜州諸軍事瓜州刺史賢斯土良家勳德兼著受委居朕輔導積年念其規勸功勞甚茂食彼桑椹尚懷好音矧茲惠矣其庸可忘今巡撫居此不殊代邑舉目依然益增舊想雖無屬籍朕處之若親凡厥昆季乃至子姪等可竝預宴賜

周書李
賢傳

加晉公護殊禮詔三年

大冢宰晉國公智周萬物道濟天下所曰克成我帝業安養我蒼生況親則懿昆任當元輔而可同班羣品齊位眾臣自今詔誥及百司文書竝不得稱公名曰彰殊禮

周書晉
公護傳

命晉公護東征詔

四年九月

神若軒皇尚云三戰聖如姬武且曰一戎弧矢之威干戈之用帝王大器誰能去兵太祖丕受天命造我周室日月所照罔不率從高氏乘釁跋扈竊有并冀世濟其惡腥穢彰聞皇天震怒假手突厥驅略汾晉掃地無遺季孟勢窮伯珪日蹙坐待滅亡鑒之愚智故突厥班師仍屯彼境更集諸部傾國齊至星流電擊數道俱進期在仲冬同會并鄴大家宰晉公朕之懿昆任隆伊呂平一宇宙惟公是屬朕當親執斧鉞廟庭祇受有司宜勒眾軍量程赴集進止遲速委公處分

周書晉公護傳

奴婢贖爲庶人詔

五年六月辛未

江陵人年六十五目上爲官奴婢者已令放免其公私奴婢有年

至七十目外者在官司宜贖爲庶人

周書武帝紀上

甲子乙卯日停樂詔

天和元年五月甲午

道德交喪、禮義凋喪、衰國始于一言、美三千子爲敬、是言在上不
驕、處滿不溢、富貴所曰長守、邦國于焉乂安、故能承天靜地、和民
敬鬼、明竝日月、道錯四時、朕雖庸昧、有志前古、甲子乙卯、禮云不
樂、棗弘表昆吾之稔、杜蕢有揚解之文、自世道喪亂、禮儀紊毀、此
典茫然已墜于地、昔周王受命、請聞顓頊、廟有戒盈之器、室爲復
禮之銘、矧伊末學、而能忘此、宜依是日省事停樂、庶知爲君之難
爲臣不易、貽之後昆、殷鑒斯在、周書武
帝紀上

曾子入學詔 七月壬午

諸曾子入學、但束脩于師、不勞釋奠、釋奠者學成之祭、自今卽爲

恆式、周書武
帝紀上

舉孝行詔 八月己未

諸有三年之喪、或負土成墳、或寢苦骨立、一志一行、可稱揚者、仰

本部官司、隨事言上、當加弔勉、目厲薄俗、周書武
帝紀上

答李充信詔

五年十一月

省充信等表，但增哀悼。幽國公廣濬屏令望，宗室表儀。言著身文，行成士則。方憑懿威，用匡朝政。奄丁荼蓼，便致毀滅。啟手歸全，無忘雅操。言念既往，震于厥心。昔河間才藻，追敘于中尉。東海謙約，見稱于身後。可斟酌前典，率山簪章。使易簣之言，得申遺志。黜殄之請，無虧令終。

周書幽國公廣傳

賜晉公護樂舞詔

五年

光宅曲阜，魯用郊天之樂。地處參墟，晉有大蒐之禮。所曰言時，計功昭德。紀行便持節，太師都督中外諸軍事，柱國大將軍，大冢宰，晉國公，體道居貞，含和誕德。地居國右，才表棟隆。國步艱難，寄深夷險。皇綱締構，事均休戚。故曰迹冥殆庶，理契如仁。今文軌尚隔，方隅猶阻。曲策未備，聲名多闕。宜賜軒絲之樂，六佾之舞。

周書晉公護傳

答蕭撝詔

開府梁之宗英，今則任等三事，所謂楚雖有材，周實用之。方藉謀猷，匡朕不逮，然進思盡忠，退安侍養者，義在公私兼濟，豈容全欲徇己，虧此至公，乖所望也。周書

傳

誅晉公護大赦改元詔

建德元年三月辛酉

君親無將，將而必誅。太師大冢宰晉公護，地實宗親，義兼家國，爰初草創，同濟艱難，遂任揔朝權，寄深國命，不能竭其誠效，罄曰心力，盡事君之節，申送往之情，朕兄故略陽公英風秀遠，神機穎悟，地居聖胤，禮歸當璧，遺訓在耳，忍害先加，永尋摧割，貫切骨髓。世宗明皇帝聰明神武，口口臧智，護內懷凶悖，外託尊崇，凡厥臣民，誰亡怨憤，朕纂承洪基，十有三載，委政師輔，責成宰司，護志在無君，義違臣節，懷茲蔓毒，逞彼狼心，任情誅暴，肆行威福，朋黨相扇，賄貨公行，所好加羽毛，所惡生瘡痍，朕約已菲躬，情存庶政，每思施寬惠下，輒抑而不行，遂使戶口凋殘，征賦勞劇，家無日給，民不

聊生且三方未定邊隅尚阻疆場待戎旗之備武夫資扞城之力
疾伏龍恩萬壽劉勇等未效庸勳先居上將高門峻宇甲第彫牆
實繁有徒同惡相濟民不見德唯利是眚百姓嗷嗷道路日且舍
生業業相顧鉗口常恐七百之基忽焉顛墜億兆之命一旦阡危
上累祖宗之靈下負蒼生之責今肅正典刑護已卽罪其餘凶黨
咸亦伏誅氛霧既清遐邇同慶朝政惟新兆民更始可大赦天下
改天和七年爲建德元年

周書晉
公護傳

省徵發詔

三月癸亥

民亦勞止則星勦于天作事不時則石言于國故知爲政欲靜靜
在靈民爲治欲安安在息役頃興造無度徵發不已加引頻歲師
旅農畝廢業去秋灾蝗年穀不登民有散亡家空杼軸朕每旦恭
己夕惕兢懷自今正調日外無妄徵發庶時殷俗阜稱朕意焉

周書

武帝
紀上

追尊孝閔帝詔四月庚寅

慎始敬終有國彛典事亡如存哲王通制義崇追遠禮貴尊親故
略陽公至德純粹天姿秀傑屬魏祚告終寶命將改謳歌允集麻
敷攸歸上協蒼靈之慶下昭后祇之錫而禍生肘腋釁起蕭牆白
獸噬駝蒼鷹集殿幽辱神器弑酷乘輿冤結生民毒流寓縣今河
海澄清氛沴消蕩追尊之禮宜崇徽號周書孝閔帝紀

大旱詔

五月壬戌

咸農之月亢陽不雨氣序愆度蓋不徒然豈朕薄德刑賞乖中歟
將公卿大臣或非其人歟宜盡直言無得有隱周書武帝紀上

還長孫儉賜宅詔

元年

故柱國郿國公儉臨終審正爰吐德音曰所居之宅本因上賜制
度宏麗非諸子所居請曰還官更遷他所昔叔敖辭沃壤之地蕭
何就窮僻之鄉曰古方今無慙曩哲言尋嘉尚弗忘于懷而有司

未達大體、遠曰其第外給、夫追善念功、先王令典、豈得遂其謙挹、

致乖懲勸、令日本宅、還其妻子、俾清風遠播、無替聿脩、北史長孫儉傳、建德

元年、謂又周書長孫儉傳

追贈李遠詔 元年

故使持節柱國大將軍大都督、陽平郡開國公遠、早蒙驅任、夙著

勳績、內參帷幄、外屬藩維、竭誠王室、乃罹橫禍、言念貞良、追增傷

悼、宜加榮寵、用彰忠節、贈本官、加陝熊等十五州諸軍事、陝州刺

史、謚曰忠、周書李遠傳

荅太子詔 二年三月己卯

在德不在瑞、周書武帝紀上

婚嫁禮制詔 九月戊寅

政在節財、禮唯寧儉、而頃者婚嫁、競爲奢靡、半羞之費、罄竭資財、

甚乖典訓之理、有司宜加宣勅、使咸遵禮制、周書武帝紀上

頒老職詔 十二月癸巳

尊年尚齒，列代弘規。序舊酬勞，哲王明範。朕嗣承弘業，君臨萬邦。驅此兆庶，寘諸仁壽。軍民之間，年多耆耄。眷言衰暮，宜有優崇。可頒授老職，使榮霑邑里。

周書武
帝紀上

嫁娶日時詔 三年正月癸酉

自今已後，男年十五，女年十三已上，爰及鰥寡所在，軍民日時嫁

娶，務從節儉，勿爲財幣稽留。

周書武
帝紀上

糴積貯詔 正月乙亥

往歲年穀不登，民多乏絕。令公私道俗，凡有積貯粟麥者，皆準口

聽雷，日外盡糶。

周書武
帝紀上

大赦詔 二月乙卯

民生而靜，純懿之性本均。感物而遷，嗜欲之情斯起。雖復雲鳥殊世，文質異時，莫不限日隄防，示之禁令。朕君臨萬寓，覆養黎元，思

振頹綱、納之軌式。比因人有犯，與眾棄之。所在羣官有愆過者，咸聽首露，莫不輕重畢陳，纖毫無隱。斯則風行草偃，從化無違。導德齊禮，庶幾可致。但上失其道，有自來矣。陵夷之弊，反本無由。宜加蕩滌，與民更始。可大赦天下。周書武

文宣皇后喪詔 五月辛酉

帝紀上

齊斬之情，經籍彝訓。近代沿革，遂亡斯禮。伏奉遺令，既葬便除。禁慕凡筮，情實未忍。三年之喪，達于天子。古今無易之道。王者之所常行。但時有未諧，不得全制。軍國務重，庶自聽朝。衰麻之節，苦慮之禮。率遵前典。呂申罔極。百寮目下，宜依遺令。周書武

立通道觀詔

六月戊午

制詔至道弘深，混成無際。體包空有，理極幽玄。但岐路既分，流源逾遠。瀟離樸散，形氣斯乖。遂使三墨八儒，朱紫交競。九流七略，異說相騰。道隱小成，其來舊矣。不有會歸，爭驅靡息。自今可立通道

觀聖哲微言先賢典訓金科玉篆祕蹟立文所曰濟養黎元扶成
教義者並宜弘闡一己貫之俾夫散墜者識尚俗之崇屈守積
礫者悟渤澥之泓澄不亦可乎所司量置員數俸九務異恆式主
者施行廣弘明集十周書武帝紀上建德三年五月景子初斷佛
道二教經像悉毀羅沙門道上建合還民六月戊午詔云
云又見北史十
初學記二十三

勸農詔 四年正月壬申

今陽和布氣品物資始敬授民時義兼敦勸詩不云乎弗躬弗親
庶民弗信刺史守令宜親勸農百司分番躬自率導事非機要並
停至秋蠲寡孤獨不能自存者所在量加賑卹道租懸調兵役殘
功並宜蠲免周書武
帝紀下

伐齊詔 七月丁丑

高氏因時放命據有汾漳擅假名器歷年永久朕曰亭毒爲心遵
養時晦遂敦聘好務息黎元而彼懷惡不悛尋事侵軼背言負信

竊邑藏姦往者軍下宜陽毀由彼始兵興汾曲事非我先此獲俘
囚禮送相繼彼所拘執曾無一反加呂淫刑妄逞毒賦繁興齊魯
軫珍瘁之哀幽并啟來蘇之望既禍盈惡稔眾叛親離不有壹戎
何曰大定今白藏辰涼風戒節厲兵詰暴時事惟空朕當親御
六師冀行天罰庶憑祖宗之靈潛資將士之力風馳九有電掃八
紘可分命眾軍指期進發

周書武
帝紀下

遣使周省四方詔

五年正月丁酉

朕克己思治而風化未弘永言前古載懷夕惕可分遣大使周省
四方察訟聽謠問民卹隱其獄犴無章侵漁黎庶隨事究驗條錄
目聞若政績有施治綱克舉及行宣圭華道著上圖並須檢審依
名騰奏其鰥寡孤獨實可哀矜亦宜賑給務使周贖

周書武
帝紀下

又伐齊詔

十一月甲午

偽齊違信背約惡稔禍盈是呂親總六師問罪汾晉兵威所及莫

不摧殄賊眾危懼烏棲自固暨元戎反旆方來聚結遊魂境內尚
敢趨起朕今更率諸軍應機除孽周書武

帥次并州又詔十二月丁巳

前闕人寄吹唇之重棟梁骨鯁剪爲仇讎狐趙緒餘降成阜隸民
不見德唯虐是聞朕懷茲滯網置之度外正欲各靜封疆共紓民
瘼故也爾之主相曾不是思欲構厲階反貽其梗我之率土咸求
俾刃唯幄獻兼弱之謀爪牙奮干戈之勇贏糧坐甲若赴私讎是
曰一鼓而定晉州再舉而摧逆醜僞丞相高阿那肱驅逼餘燼竊
據高壁僞定南王韓建業作守介休規相抗擬啣示兵威應時崩
潰那肱則單馬宵遁建業則面縛軍和爾之逃卒所知見也若其
懷遠曰德則爾難曰德綏處鄰曰義則爾難曰義服且天與不取
道家所忌攻昧侮亡兵之上術朕今親馭羣雄長驅宇內六軍舒
旆萬隊啟行勢與雷電爭威氣逐風雲齊舉王師所次已達近郊

望歲之民，室家相慶。來蘇之后，思副厥誠。僞主若妙，盡人謀深。達天命，牽羊道左，銜璧轅門。當惠曰焚櫬之恩，待曰列侯之禮。僞將相王公已下，衣冠士民之族，如有深誠事宜，建功立效，官榮爵賞，各有加隆。若下愚不移，守迷莫改，則委之執憲，曰正刑書。嗟爾士庶，胡寧自棄，或我之將卒，逃彼逆朝，無問貴賤，皆從蕩滌。善求多福，無貽後悔。璽書所至，咸使聞知。周書武帝紀下

并州平大赦詔 十二月壬戌

昔天厭水運，龍戰于野。西京圯隔，四紀于茲。朕垂拱巖廊，君臨宇縣。相鄰民于海內，混楚弓于天下。一物失所，有若推溝。方欲德綏未服，義征不讞。僞主高緯，放命燕齊，怠慢典刑，倣擾天紀。加曰背惠，怒鄰乘信，忘義朕應。天從物伐，罪弔民一。鼓而蕩平陽，再舉而摧勅敵。僞署王公，相繼道左。高緯智窮數屈，逃竄草闕。僞安德王高延宗，搆攘之間，遂竊名號。與僞齊昌王莫多婁敬顯等，收拾餘

盡背城抗敵。王威既振，魚潰鳥離。破竹更難，建瓴非易。延宗眾散，解甲軍門。根本既傾，枝葉自賈。幽青海岱，折簡而來。冀北河南，傳檄可定。八紘共貫，六合同風。方當偃伯靈臺，休牛桃塞。無疆之慶，非獨在余。漢王約法，除其苛政。姬王輕典，刑彼新邦。思覃惠澤，被之率土。新舊臣民，皆從蕩滌。可大赦天下。高緯及王公以下，若釋然歸順。咸許自新。諸亡入僞朝，亦從寬宥。官榮次序，依例無失。其齊僞制令，卽宜削除。鄒魯搢紳，幽并騎士，一介可稱，並宜銓錄。百年去殺，雖或難希。若月有成，庶幾可勉。

周書武帝紀下

賜進士出身二品銜廣東寧遠提刑按察使司按察使兼管驛傳事務黃岡王毓藻校刊

本後周文卷三

烏程嚴可均校

武帝二

平鄴追恤戰亡後詔

建德六年正月己亥

自晉州大陣至于平鄴身殞戰場者其子卽授父本官

周書武帝紀下

贈諡解律明月等詔

正月庚子

僞齊之末姦佞擅權濫罰淫刑動挂羅網僞右丞相咸陽王故解律明月僞侍中特進開府故崔季舒等七人或功高獲罪或直言見誅朕兵曰義勳剪除凶暴表閭封墓事切下車宜追贈諡並空措其見存子孫各隨蔭敘錄家口田宅沒官者並還之

周書武帝紀下

毀撤齊國園臺詔

正月辛丑

僞齊叛渙竊有漳濱世縱淫風事窮彫飾或穿池運石爲山學海或屠臺累構槩日凌雲日暴亂之心極奢侈之事有一于此未或

弗亡。朕菲食薄衣，日弘風教，追念生民之費，尚想力役之勞，方當易茲弊俗，率歸節儉。其東山南園及三臺，可並毀撤，瓦木諸物，凡入用者，盡賜下民。山園之田，各還本主。

周書武帝紀下

擢用慕容三藏詔

三藏父子，誠節著聞，宜加榮秩，授開府儀同大將軍。

隋書慕容三藏傳

封宇文慶詔

慶勳庸早著，英望華遠，出內之績，簡在朕心。戎車自西，俱總行陣，東夏蕩定，實有茂功。高位纓禮，宜崇榮冊。

隋書宇文慶傳

除齊苛政詔 二月癸丑

無侮營獨，事顯前書，哀彼矜人，惠流往訓。僞齊末政，昏虐實繁，災甚滔天，毒流比屋，無罪無辜，係虜三軍之手，不飲不食，僵仆九達之門。朕爲民父母，職養黎人，念甚泣辜，誠深罪已，除其苛政，事屬改張，宜加寬宥，兼行振卹，自僞武平三年已來，河南諸州之民，僞

齊被掠爲奴婢者不問官私竝宜放免其任在淮南者亦卽聽還願往淮北者可隨便安置其有癯殘孤老飢餓絕食不能自存者仰刺史守令及親民長司躬自檢校無親屬者所在給其衣食務

使存濟

周書武帝紀下

遣使巡方詔

四月己巳

東夏旣平王道初被齊氏弊政餘風未殄朕劬勞萬幾念存康濟恐清淨之志未形四海下民疾苦不能上達寢興軫慮用切于懷宜分遣使人巡方撫慰觀風省俗宣揚治道有司明立條科務在

弘益

周書武帝紀下

毀撤京師宮殿詔

五月己丑

朕欽承丕緒寢興夙畏惡衣菲食貴昭儉約上棟下宇土階茅屋猶居之者逸作之者勞詎可廣廈高堂肆其嗜欲往者冢臣專任制度有違正殿別寢事窮壯麗非直雕牆峻宇深戒前王而締構

弘敞有踰清廟不軌不物何目示後兼東夏初平民未見德率先
海內宜自朕始其露寢會義崇信舍仁雲和思齊諸殿等農隙之
時悉可毀撤雕斲之物竝賜貧民繕造之宜務從卑樸

周書武
帝紀下

毀撤并鄴宮殿詔

五月戊戌

京師宮殿已從撤毀并鄴二所華侈過度誠復作之非我豈容因
而弗革諸堂殿壯麗竝宜除蕩營宇雜物分賜貧民三農之隙別
漸營構止蔽風雨務在卑狹

周書武
帝紀下

禁娶母同姓爲妻妾詔

六月丁卯

同姓百世婚姻不通蓋惟重別周道然而娶妻買妾有納母氏
之族雖曰累宗猶爲混雜自今已後悉不得娶母同姓召爲妻妾

其已定未成者卽令改聘

周書武
帝紀下

除醜雜科詔

八月壬寅

百刑止刑世輕世重罪不及嗣皆有定科雜役之徒獨異常憲一

從罪配百世不免。罰既無窮，刑何已措。道有沿革，宜從寬典。凡諸雜戶，悉放爲民。配雜之科，因之永削。

周書武帝紀下
北史武帝紀

減省六宮詔 十一月

正位于中，有聖通典。質文相革，損益不同。五帝期四星之象，三王制六宮之數。劉曹已降，等列彌繁。選擇遍于生民，命秩方于庶職。椒房丹地，有眾如雲。本由嗜欲之情，非關風化之義。朕運當澆季，思復古始，無容廣集子女。屯聚宮掖，弘贊後庭。事從約簡，可置如二人。世婦三人，御妻三人。自茲呂外，悉宜減省。

周書武帝紀下

優詔答沈重

建德末

開府漢南杞梓，每軫虛衿。江東竹箭，亟疲延首。故東帛聘申，蒲輪徵伏。加旨梁朝，舊齒結綬三世。沐浴榮光，祇承寵渥。不忘戀本，深足嘉尚。而楚材晉用，豈無先哲。方事求賢，義乖來肅。

周書沈重傳

遺詔 宣政元年六月

人肖形天地、稟質五常、脩短之閒、莫非命也。朕君臨宇縣、十有九年、未能使百姓安樂、刑措罔用、所目昧且求衣、分宵忘寢。昔魏室將季、海內分崩、太祖扶危翼傾、肇開王業、燕趙榛蕪、久竊名號。朕上述先志、下順民心、遂與王公將帥、共平東夏。雖復妖氛蕩定、而民勞未康、每一念此、如隔冰谷。將欲包舉六合、混同文軌、今遘疾大漸、氣力稍微、有志不申、已此歎息。天下事重、萬機不易、王公已下、爰及庶僚、宜輔導太子、副朕遺意、令上不負太祖、下無失爲臣。朕雖瞑目九泉、無所復恨。朕平生居處、每存菲薄、非直目訓子孫、亦乃本心所好、喪事費用、須使儉而合禮、墓而不墳、自古通典。隨吉卽葬、葬訖公除、四方士庶、各三日哭。妃嬪已下無子者、悉放還

家。周書武
帝紀下

制書報陸逞

逞雖未臨人、已存優恤、宜遂所請、彰其雅操。

御覽二百五十四引
三國典略逞爲宜州

刺史故事刺史奉辭例尚齒簿星

百時屬農要表請停之制云云

敕姚僧垣

建德三年

公年過縣車可停朝謁若非別敕不勞入見

周書姚僧垣傳

敕曇崇爲周國三藏

崇禪師德行無玷精悟獨絕所預學徒未聞有犯當是尊日德義

故能眾絕彤清可爲周國三藏并任陟岵寺主

隋高僧傳

聖書勞達奚武

保定三年

公年尊德重彌諧朕躬比日陰陽愆序時雨不降命公求祈止言
廟所不謂公不憚危險遂乃遠陟高峯但神道聰明無幽不燭感
公至誠甘澤斯應聞之嘉賞無忘于懷今賜公雜綵百疋公其善
思嘉猷匡朕不逮念坐而論道之義勿復更煩筋力也

周書達奚武傳

賜楊素竹策

朕方欲大相驅策故用此物賜卿

隋書楊素傳

宣旨慰諭李德林

平齊之利唯在于爾朕本畏爾逐齊王東走今聞猶在大目慰懷

宜卽入相見

隋書李德林傳

致梁沈重書

皇帝問梁都官尚書沈重觀夫八聖六君七情十義殊方所自會軌異代于是率由莫不趣大順之遙途履中和之威致及青緇起焰素篆從風文逐世疏義隨運舛大禮存于玉帛之閒至樂形于鐘鼓之外雖分地聚總郁郁之辭蓋闕當塗典午抑抑之旨無聞有周開基爰蹤聖哲拯蒼生之已淪補文物之將墜天爵具脩人紀咸理朕負奉神器恭惟寶闕常思復禮殷周之年遷化唐虞之世懼三千尚乖于治俗九變未叶于遺風欲定畫一之文思杜二家之說知卿學冠儒宗行標士則卜寶復潤于荆陰隨照更明于漢浦是用瘡痍增勞瞻望軫念爰致束帛之聘命翹車之招所望

鳳舉鴻鵠俄而萃止明斯隱滯合彼異同上庠弗墜于微言中經
罔闕于逸義近取無獨善之譏遠應有兼濟之美可不感歎昔申
培貽肯方辭東國公孫黃髮始造西京遂使道爲茲基功參治本
今者一徵諒兼其二若居形聲而去影響尚迷邦而忘觀國非所
謂也周書沈重傳

與傳伏

并州已平故遣公兒來報今授上大將軍武鄉郡公百金馬腦酒

鍾二爲信公宜急下口口口口口口

敘廢立義

朕受天命靈一區宇世弘三教其風逾遠攷定至理多愆陶化今
竝廢之然其六經儒教之弘政術禮義忠孝于世有宜故須存立
且自真佛無像遙據表心佛經廣敷崇建圖塔壯麗修造致福極
多此實無情何能恩惠愚人嚮信傾竭珍財徒爲引費故須除蕩

故凡是經像皆毀滅之。父母恩重，沙門不敬，悖逆之甚。國法不容。

竝退還家用。崇孝始，朕意如此。諸大德謂理何如？廣弘明集十周武帝曰齊承光

二年春東平高氏召前修大德竝赴殿集帝升御座敎廢立義云案承光二年當作元年

二教鐘銘并序

天和五年歲次攝提五月丙寅造鐘一口治昆吾之石練若溪之銅郢匠鴻鑪化茲神器雖時屬難賓而調諧夷則故春秋外傳曰所曰詠歌九則平民無二弘宣兩教同歸一揆金石冥符天人咸契九宮九地遙徹洞玄三千大千遠聞邊際銀閣應供延法侶而尋聲金闕降真候仙冠而聽響式傳萬古迺勒銘云

實際遐曠通玄洞微化緣得業造理因機靈圖降彩慧日垂暉金

河霧集銀澗雲飛其一九霄仙籙五嶽真文智煙遐照禪林遠薰金

鼓入夢瓊鐘徹雲音調冬立響召秋分其二二教竝興雙鑿同振遠

赴天霜遙虧地鎖陝河浮影漢溪傳韻聽響弘法而聲起信其般

若無底重立有門長問久賸永拔沈昏不求正覺莫會天鏡唯全
智海先度黎元其阿廣弘明集二十八上

宣帝

帝諱贊字乾伯武帝長子建德元年立爲皇太子宣政元年六月
月卽位明年改元大成其二月傳位太子衍改元大象自稱天
元皇帝在位二年諡曰宣皇帝

給復流民及被掠家口詔宣政元年閏六月

山東流民新復業者及突厥侵略家口破亡不能存濟者並給復

一年周書宣帝紀

詔制九條宣下州郡八月壬申

一曰決獄科罪皆準律文二曰母族絕服外者聽婚三曰呂杖決
罰悉令依法四曰郡縣當境賊盜不擒獲者並仰錄奏五曰孝子
順孫義夫節婦表其門閭才堪任用者卽宜申薦六曰或昔經驅

使名位未達或沈淪蓬華文武可施宜竝採訪具已名奏七日便齊七品已上已敕收用八品已下爰及流外若欲入仕皆聽預選降二等授官八日州舉高才博學者爲秀才郡舉經明行修者爲孝廉上州上郡歲一人下州下郡三歲一人九日年七十已上依式授官無寡困乏不能自存者竝皆稟恤

周書宣帝紀

舊沙門安置行道詔

大成元年

弘建立風三寶尊重特宜修敬法化弘廣理可歸崇其舊沙門中德行清高者七人在正武殿西安置行道

佛道論衡

修復洛都詔

大象元年二月癸亥

河洛之地世稱朝市上則于天陰陽所會下紀于地職貢路均聖人百萬物阜安乃建王國時經五代世歷千祀規摹弘遠邑居壯麗自魏氏失馭城闕爲墟君子有戀舊之風小人深懷土之思我太祖受命豐鎮胥宇峭函湯定四方有懷光宅高祖神功聖略混

一區宇往巡東夏省方觀俗布政此宮遂移氣序朕已眇身祇承寶祚庶幾聿修之志敢忘燕翼之心一昨駐蹕金墉倘當遊覽百王制度基趾尚存今若因修爲功易立宜命邦事修復舊都奢儉取文質之閒功役依子來之義北瞻河內咫尺非遙前詔經營今

宜停罷

周書宣帝紀
北史宣帝紀

傳位太子衍詔
大象元年二月辛巳

有聖大寶實惟重器立天表命人事與能幽顯同謀確乎不易域中之大寶懸定于杳冥天下爲公蓋不避于內舉我大周感蒼昊之精受河洛之錫武功文德光格區宇創業垂統永光無窮朕已寡薄祇承鴻緒上賴先朝得一之迹下藉羣后不貳之心職貢與雲雨俱通憲章共光華並互回首方足咸登仁壽思隆國本用弘天祿皇太子衍地居上嗣正統所歸遠憑積德之休允叶无疆之祚帝王之量未肅而成天祿之期不謀已至朕今傳位于衍乃睽

四海深合謳歌之望，俾予一人高蹈風塵之表，萬方兆庶，知朕意

焉，可大赦天下，改大成元年爲大象元年。周書宣帝紀

洛州遷戶聽還詔。大象元年二月辛卯。

洛陽舊都，今旣修復，凡是元遷之戶，並聽還洛州。此外諸民欲往者，亦任其意。河陽幽相豫，毫青徐七總管，受東京六府處分。周書宣帝紀

陟帖寺行道詔。大象元年四月。

佛義幽深，神奇弘大，必廣開化儀，通其修行，崇奉之徒，依經自檢，遵道之人，勿須翦髮毀形，已乖大道，宜可存鬚髮嚴服，已進高趣，今選舊沙門中，懿德貞潔，學業冲博，名實灼然，聲望可嘉者，一百二十人，在陟帖寺，爲國行道，擬欲供給資須，四方無乏，其民間禪

誦，一無有礙。佛道論衡

災異修省詔。大象元年十二月戊午。

穹昊在上、聰明自下、吉凶由人、妖不自作、朕曰寡德、君臨區寓、大道未行、小信非福、始于秋季、及此立冬、幽顯殷勤、屢貽深戒、至有金入南斗、木犯軒轅、熒惑干房、又與土合、流星照夜、東南而下、然則南斗主于爵祿、軒轅爲于後宮、房曰明堂、希政所也、火土則憂孽之兆、流星乃兵凶之驗、豈其官人失序、女謁尚行、政事乖方、憂患將至、何其昭著若斯之甚、上瞻俯察、朕實懼焉、將避正寢、齋居克念、惡衣減膳、去飾撤懸、披不諱之誠、開直言之路、欲使刑不濫及、賞弗踰等、選舉曰才、宮闈修德、宜宣諸內外、庶盡弼諧、允叶民心、用銷天譴、

周書宣帝紀
北史宣帝紀

除刑書要制詔

大象元年

高祖所立刑書要制用法深重、其一切除之、

隋書刑
禮志

天元四皇后加太詔

大象二年二月癸未

帝降二女、后德所曰儺君、天列四星、妃象于焉、垂耀、朕取法上玄、

稽諸令典爰命四后內正六宮庶弘贊柔德廣修柔盛比殊禮雖降稱謂曷宜其因天之象增錫嘉名

周書宣帝
楊皇后傳

追封孔子詔

大業二年二月丁亥

感德之後是稱不絕功施于民義昭祀典孔子德惟臧往道實生知曰大聖之才屬千古之運裁弘儒業式敘彝倫至于幽贊天人

之理裁成禮樂之務故曰作範百王垂風萬葉朕欲承寶祚服膺教義眷言洙泗懷道滋深且褒成啟號雖彰故實旌崇聖統猶有闕如可追封爲鄒國公邑數準舊并立後承襲別于京師置廟已

時祭享

周書宣
帝紀

又立天中太皇后詔

大業二年三月

正內之重風化之基嘉耦之制代多殊典軒轅繼軌次妃竝四虞舜受命厥娶猶三禮非相襲隨時不無朕祗承寶圖載弘徽號自我改作超革先古曰天元居極五帝所曰仰崇王者稱尊列后于

焉上儷且坤儀比德土數惟五既緝愆典宜取斯儀四太皇后外
可增置天中太皇后一人天中大皇后爰主棗盛徵音日躋肇建

嘉名宜膺顯冊

周書宣帝
陳皇后傳

天旱原罪詔

大象二年四月己卯

朕曰寡薄昧于治方不能使天地休和陰陽調序自春涉夏甘澤
未豐既軫四郊之歎將虧南畝之業興言惕夕無忘鑒昧良由德
化未敷刑政多舛萬方有罪責在朕躬思覃寬惠被之率土見囚
死罪竝降從流流罪從徒五歲刑已下悉皆原宥其反叛惡逆不
道及常赦所不免者不在降例

周書宣
帝紀

安置沙門敕

大象元年二月

佛法弘大千古共崇豈有沈隱捨而不行自今已後王公已下并
及黎庶竝宜修事知朕意焉

佛道
論衡

呂法藏爲陟岵寺主敕

大象元年

朕欲爲菩薩治化。此僧既從紫蓋山來，正合朕意，宜令長髮著菩

薩衣冠，爲陟岵寺主。

續高僧傳

尊天元上皇太后冊

大象二年二月

天元皇帝臣贊奉璽綬冊，謹上天元皇太后尊號曰天元上皇太后。伏惟窮神盡智，含弘載物，道洽萬邦，儀刑四海，聖慈訓誘，恩深歡慰，在茲福祉，無疆億兆，斯賴。

周書武帝阿史那皇后傳

天元聖皇太后冊

大象二年二月

天元皇帝臣諱奉璽綬冊，謹上天皇太后尊號曰天元聖皇太后。

伏惟月精效祉，坤靈表凱，瑞肇丹陵，慶流華渚，雖率由令典，夙奉徽號，而因心盡敬，未極尊名，是用思弘稱首，上昭聖德，敢竭誠敬。

永綏福履，顯揚慈訓，貽厥孫謀。

周書武帝李皇后傳

楊后爲天元太皇后冊

咨爾含章載德體順居貞肅恭享祀儀刑邦國是用嘉茲顯號式
鳴徽音爾其敬踐厥猷寅蒼靈命對揚休烈可不慎歟

周書宣帝
楊皇后傳

朱后爲天太皇后冊

咨爾彌宣四德訓範六宮軒庭列序堯門表慶嘉稱旣降威典宜
膺爾其飾性履道無愆禮正永固休祉可不慎歟

周書宣帝
朱皇后傳

陳后爲天左大皇后冊

咨爾儀範柔閑操履凝潔淑問彰于遠近令則冠于宮闈是用申
彼寵章加茲徽號爾其復禮問諫披圖顧史永隆嘉命可不慎歟

周書宣帝
陳皇后傳

元后爲天元大皇后冊

咨爾資靈美水載德塗山懿淑內融徽音潛嘒是用加茲寵數式
光踐禮爾其聿修儀範肅膺顯冊祇承休命可不慎歟

周書宣帝
元皇后傳

尉遲后爲天左大皇后冊

大象二年三月

咨爾門膺積善躬表靈臞微音茂德朕實嘉之是用弘茲盛典由
彼寵章爾其克慎厥猷寅咨景命永承休烈可不慎歟

傳

周書宣帝

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後周文卷四

烏程嚴可均校輯

晉公護

護字薩保文帝兄子永熙末爲都督百迎孝武功封水池縣伯
大統初加通直散騎常侍征虜將軍進爵爲公遷鎮東將軍大
都督進車騎大將軍儀同三司加驃騎大將軍開府進封中山
公遷大將軍六官建拜司空尋爲柱國周受禪拜大司馬封晉
國公拜大冢宰尋行弒立事明帝卽位拜太師復行弒立事武
帝卽位爲都督中外諸軍事天和七年伏誅建德三年諡曰蕩
舉曇延與周弘正對論表

曇延法師器識宏偉風神爽拔年雖未立而英辭難繼者也

續高僧傳

十層延傳齊補州刺史中山公宇文氏表云云案弘正于天嘉元年往長安迎安成王頂三年自周還天嘉元年直周武成二年護爲晉公久矣其封中山公在魏恭帝時則續高僧傳所稱齊蒲州刺史中山公皆誤也弘正未嘗使齊齊亦必無宇文氏

與趙公招書

今朝廷令齊公歸蕩河洛欲與此人同行汝彼無事且宜借吾也

周書陸
慈傳

報母閻姬書

區宇分崩、遭遇災禍、違離膝下、三十五年、受形稟氣、皆知母子、誰同、嗟保如此不孝、宿殃積戾、惟應賜鍾、豈悟網羅、上嬰慈母、但立身立行、不負一物、明神有識、宜見哀憐、而子爲公侯、母爲俘隸、熱不見母熱、寒不見母寒、衣不知有無、食不知飢飽、混如天地之外、無由暫聞、晝夜悲號、繼之目血、分懷冤酷、終此一生、死若有知、冀奉見于泉下、爾不謂齊朝解網、惠目德音、摩敦回紇、竝許矜放、初聞此旨、魂爽飛越、號天叩地、不能自勝、四姑卽蒙禮送、平安入境、自今月十八日于河東拜見、遙奉頰色、崩動肝腸、但離絕多年、存亡阻隔、相見之始、口未忍言、惟敘齊朝寬弘、每存大德、云與摩敦

雖處宮禁常蒙優禮今者來鄴恩遇彌隆矜哀聽許摩敦垂救曲

盡悲醜備述家事伏讀未周五情屠割書中所道無事

北史作無一事敢

忘摩敦年尊又加憂苦常謂寢膳貶損或多遺漏伏奉論述次第
分明一則曰悲一則曰喜當鄉里破敗之日薩保年已十餘歲鄰
曲舊事猶自記憶況家門禍難親戚流離奉辭時節先後慈訓刻
肌刻骨常纏心腑天長喪亂四海橫流太祖乘時齊朝撫運兩河
三輔各值神機原其事跡非相負背太祖升遐未定天保薩保屬
當猶子之長親受顧命雖身居重任職當憂責至于歲時稱慶子
孫在庭顧視悲摧心情斷絕胡顏履戴負愧神明霈然之恩既曰
霈洽愛敬之至施及傷人草木有心禽魚感澤況在人倫而不銘
戴有家有國信義爲本伏度來期已應有日一得奉見慈顏永畢
生願生死肉骨豈過今恩負山戴岳未足勝荷二國分隔理無書
信主上曰彼朝不絕母子之恩亦賜許奉荅不期今日得通家問

伏紙嗚咽言不宣心蒙寄薩保別時所畱錦袍表年歲雖久宛然

猶識抱此悲泣至于拜見事歸忍死知復何心

周書晉公護傳又見北史五十七

案護母關姬書綴入北齊閩名類

遺釋亡名書

言念欽屬未敘企積道體休愈無虧慮耶蓋能仁處世志存匡救

非先輪迴獨尚茲善既道亞生知才高七步豈虛繙染沈流當塗

但靈廓妙理三業同臻莫思莫二卓白非感耳愉解偏執讚我時

朝匪惟貞俗俱拙亦是彼我一貫故令往白念報雅懷

續高僧傳

又與釋亡名書

法師秉心彌固栖游世表玄圭啟運不屈伯夷之節蒼精御曆豈

損嘉遁之志今遣往迎

同上

齊王憲

憲字毗賀突文帝第五子初封涪城縣公恭帝卽位進封安城

郡公孝閔受禪授驃騎大將軍開府儀同三司明帝卽位授大將軍總管益州刺史進封齊國公位柱國徵拜雍州牧天和中爲大司馬治小冢宰建德二年進封齊王宣帝卽位見殺諡曰煬

上武帝表助軍費

臣聞撫機適運理藉時來兼弱攻昧事資權道伏惟陛下繼明作聖關業弘風思順天心用恢武略方使長蛇外剪宇宙大同軍民內向車書混一竊已龍旗雷動天網雲布芻粟糧餽或須周給昔邊隅未靜卜式願上家財江海不澄衛茲請獻私粟臣雖不敏敢忘景行謹上金寶等一十六件少助軍資周書齊王憲傳與高潛書

山川有閒每深勞佇仲春戒節履納惟宜承始屆兩河仍圖三魏二者交戰想無虧德昔魏脰云季海內橫流我太祖撫運乘時大

鹿黔首、皇上嗣膺下武、式隆景業、興稽山之會、總盟津之師、雷駭唐郊、則野無橫陣、雲騰晉水、則地靡嚴城、襲偽之酋、既犇竄于草澤、竊號之長、亦委命于旌門、德義振于無垠、威風被于有截、彼朝宿將舊臣、良家戚里、俱升榮寵、皆糜好爵、是使臨漳之下、效死爭驅、營丘之前、奮身畢命、此豈唯人事、抑亦天時、宜訪之道路、無俟傷說、吾日不武、任總元戎、受命安邊、路指幽冀、列邑名藩、莫不屈膝、宣風導化、皆荷來蘇、足下高氏、令王英風、夙著、古今成敗、備諸懷抱、豈不知一木不維大廈、三諫可自逃身哉、且殷微去商、疾服周代、項伯背楚、賜姓漢朝、去此弗圖、苟徇亡轍、家破身殞、爲天下笑、又足下謀者、爲候騎所拘、軍中情實、具諸執事、知吾弱卒、弊甲欲抗堂堂之陣、繫帶污城、冀保區區之命、戰非上計、無待卜疑、守乃下策、或未相許、已勒諸軍、分道並進、相望非遠、憑軾有期、兵交命使、古今通典、不俟終日、所望知繼也、

文苑英華六百八十二周書齊王憲傳履納作納履

三魏作三位導化作導禮樂甲作項甲
略見御覽三百二十六引三國典略

代王達

達字度斤，突文帝第十一子。武成初，封代國公。建德初，進柱國，出爲荊州刺史。三年，進爵爲王。宣帝卽位，進上柱國。大象初，拜大右弼，爲隋文帝所害，諡曰戾王。

造釋迦像記

前不知口恩豆千口口口口持節驃騎口口口金紫光祿口口刺
史都督烏口口開國子宇文康唯天和五年歲次庚寅六月癸未
朔十七日己亥宇文達爲七世所生見在父母合家大小造釋迦
像一軀願使眾惡殄滅萬善皆會及法界眾生等同此願俱成正
覺母張女畢妻紇干咳大妹高妃中妹越妃口妹阿咳口妹担妃
碑拓本案此記刻于天和五年何目不書代國公又周書孝閔
帝一男傳紀厲王康字乾安保定初封紀國公進爵爲王出爲利
州總管與此記之宇文康官爵亦異然不應別有達康二人與帝
室諸王同時同姓名者也又文帝薨于魏恭帝三年距此已十五

年而說云見在父母直是庸人涉手用
造像惟語耳其與史傳異同無足談矣

滕王道

適字爾固突文帝少子武成初封滕國公天和末拜大將軍建
德初進柱國三年進爵爲王宣政初進上柱國大象初就國二
年爲隋文帝所害謚曰簡王有集九卷

庾信集序

蓋聞五聲調應則宮徵成其文人音克諧則絃管和其韻所曰周
南召南之篇爲風人之首小雅大雅之作實王政之由復有陽春
白雪之唱郢中之曲彌高秋風黃竹之詞伊上之才九戚遂能弘
孝敬敘人倫移風俗化天下兼夫吟咏情性沈鬱文章者可略而
言也開府司宗中大夫義城公庾信字子山南陽新野人也若夫
有周之時掌庾源其得姓自晉之代大尉闢其宗譜烏奕氤氳布
在方策國史家牒世竝詳焉八世祖滔散騎常侍領大著作遂拜

縣侯祖易徵士隱遊無悶確平不拔宋終齊季早擅英聲父肩吾
敬騎常侍中書令文宗學府智囊義窟鴻名重譽獨步江南或昭
或穆七世舉秀才且珪且璋五代有文集貴族華望感矣哉幼而
清惠唯良之美稱共治之能佩犢帶牛有侔冀遂桑枝麥穗無謝
張堪入爲司憲中大夫帥掌三教之法助宣五禁之書秋府得人
于斯爲感嘗旦上府賦詩曰詰旦啟門闌繁辭湧筆端蒼鷹下獄
吏獬豸飾刑冠司朝引玉節盟載捧珠盤窮紀星移次歸餘律未
殫雪高二尺厚冰深一寸寒短筍猶埋竹香心未起蘭孟門久失
路扶搖忽上搏棲鳥遷得府棄馬復歸欄榮華名義重虛薄報恩
難枚乘還起疾貢禹遂彈冠方隨蓮葉斂未用竹根丹一知玄象
法詎思垂鈞竿其王事之中優遊如此出爲洛州刺史德茂褰帷
才膺刺舉吏不敢賄人不忍欺上洛童兒如迎郭伋商山故老似
值劉弘復爲司宗中大夫總轄禮府佐治春卿辨九拜之儀教六

詩之義自梁朝筮仕周氏馳驅至今歲在屠維龍居淵獻春秋六十有七齒雖耆舊文更新奇才子詞人莫不師教王公名貴盡爲虛襟信降山岳之隆、蘊煙霞之秀、器量侔瑚璉、志性甚松筠、妙善文詞、尤工詩賦、窮緣情之綺靡、盡體物之瀏亮、誅奪安仁之美、碑有伯喈之情、箴似揚雄、書同阮籍、少而聰敏、綺年而播華譽、歸歲而有俊名、孝性自然、仁心獨秀、忠爲令德、言及文詞、窮壁未勤、映瑩逾甚、若乃德聖兩禮、韓魯四詩、九流七略之文、萬卷百家之說、名山海上、金匱玉版之書、魯壁銜墳、縹帙紺囊之記、莫不窮其枝葉、誦其篇簡、豈止仲任一見之敏、世叔五行之速、強記獨絕、博物不羣、年十五侍梁東宮講讀、雖拒驂十四之歲、荅宿客之詩、魯連十二之年、杜離堅之辨、匪或斯尚、同日語哉、玉墀射策、高等甲科、公孫金馬之時、仲舒鴻漸之日、未能連類、曾何足云、解褐授安南府行參軍、尺木未階、高衢方騁、尋轉尚書度支郎中、壯歲精練、必

呂吏能上象列宿非因忿氣夜不離閣無愧于黃昏開霧暗天有
同于樂廣仍爲郢州別駕刺史之半職足斯展于時江路有賊梁
主使信與湘東王論中流水戰事魄徒聞其名德遂卽散奔深爲
梁主所賞蓋善戰者不陣此之謂乎兼通直常侍使十魏土接對
有才辨雖子貢之旗鼓陳說仲山之專對智謀無呂加也還本國
爲正員卽職位清顯呂望呂實又爲東宮領直春宮兵馬竝受節
度龍樓蘭鉤寵寄逾隆值侯景篡逆攻圍淮海建康宮殿非無流
矢之兵丹陽帝居遂有生荆之痛出往上流來歸全楚于時州后
卽湘東王其後封豕旣誅長蛇受戮湘東有雪恥之功淮海有勤
王之旅同少康之復夏若太戊之紹殷卽于荆江驟置文物復爲
梁後主蕭繹御史中丞中興司直具瞻斯在貴戚斂手豪族屏氣
遷散騎常侍右衛將軍豐貂右珥戎章再徙阮籍非好之職鄭點
參乘之官著德廊廟切問近對拜武康縣開國侯開國承家信圭

是執河帶山礪貽厥于后卽呂本官奉使大國光華重出原陞再來太祖夾輔魏朝作相關右三分有二九合一匡德邁晉宣雄踰魏武功高網地道映在田一見子山賜識如舊屬武太祖獻策魏帝命將荆衡尋值本朝青蓋入洛于是拾節入仕乃沐勳恩改授使持節車騎大將軍儀同三司戎號光祿比儀台鉉高官美官有踰舊國又遷驃騎大將軍開府義城公王沈晉代始授此榮黃權魏時首膺斯命降在季世秩居上品爵爲五等榮貴兩朝出爲弘農郡守職實剖符寄深分竹加呂冥心資敬篤信天倫孝實人師刑惟士則愠喜不形于色忠恕不離于懷矜簡儼然師心獨往侶陸機之愛弟若韓康之養甥環堵之間怡怡如也屢聘上國特爲太祖所知江陵名士唯信而已綢繆禮遇遣次推恩明帝守文偏加引接武王英主彌相委寄密勿王事多歷歲年自攜老入關亟移灰琯蒸蒸色養勸勸肩席及丁母憂杖而後起病不勝哀奇鸞

降宿樹之祥，白雉有依欄之感。晉國公廟期受託爲世賢輔，見信孝情毀至，每自憫嗟，嘗語人曰：庾信南人，羈士至孝天然，居喪過禮，殆將滅性，寡人一見，遂不忍看。其至德如此，彼亦知如此。昔在楊都，有集十四卷，值太清罹亂，百不一存。及到江陵，又有三卷，卽重遭軍火，一字無遺。今之所撰，止入魏呂來爰洎皇代，凡所著述，合二十卷，分成兩帙，付之後爾。余與子山風期款密，情均縞紵，契比金蘭，欲余製序，聊命翰札，幸無愧色，非有絢章，方當貽範，摺紳懸諸日月焉。

道敎寶花序

混成元胎，先天地而生，玄妙自然，在開闢之外，可道非道，因金籙曰詮言，上德不德，寄玉京而闡說，高不可揆，深不可源，閱之而彰，三光舒之而綿六合，廣矣大矣，于得盡其鈎深，恍兮惚兮，安可窮其象物，十善之戒，四極之科，金簡玉字之音，瓊笈銀題之旨，升玄

內教靈寶上清五老赤書之篇七聖紫文之記故曰暉諸篆籀煥
彼圖牒玄經闕籍可得而談者焉若乃包含天地陶育乾坤無大
不大無小不小隨之而不包其後迎之而不見其前周流六虛希
微三氣无上大遊于空洞之上梵形天尊見于龍漢之劫日在
丁卯拜東華之青童辰次庚寅度台山之靜默漢史外載道有三
十七家九十三篇斯止略序宗塗匪與探賾詎詳金液之異未悟
石函之奇見之者尚迷聞之者猶豫非有天尊之說曾無大聖之
言豈下四藥之丹罕識五光之彩區區瑣瑣盡名而言

初學記
二十三

宇文繹

繹未詳疑當作譔大象初內史上大夫封歸昌公

見廣弘明集十

奏諫度僧法藏

天下眾僧皆令還俗今獨度一人違先帝詔

續高僧傳
二十三

賜進士出身二品銜廣東等處提刑按察使司按察使兼管驛傳事務黃岡王毓漢校刊

全後周文卷四終